

嘉泰吳興志

吳興志卷五

宋談鑰撰

河濱

州治

府以湖名近五湖也中有雪谿合四水也眾水羣湊而太湖虛受坎流而不盈習險而無汎濫此郡所以立也舊書悉以太湖與四水分隸諸邑殊失古者建都之意今首數敘以運河漕貢給郡計而供公上次之其他潭匯洲浦池塘在城者鱗附焉支流旁濱止係逐邑者係之各邑下震澤者水常震動之象或曰震東方澤在東也具區者大爲之防五湖者張勃吳錄云太湖之別名

貢湖遊湖胥湖梅湖梁湖金鼎湖也舊編謂固湖遊湖

胥湖菱湖太湖縱橫數百里苕霅眾水入焉越絕書云

周三萬三千頃其二萬頃爲烏程顏公石柱云四萬八

千頃統記云縱廣二百八十三里兼接蘇宣常州之界

臨安廣德之水亦入焉

吳興郡圖經云接蘇常秀州之境按秀州之境不瀕湖統記云

常連
熟德
昆清
山武
華康
亭長
嘉城
興臨
海牛

餘姚義興晉陵無錫江陰吳縣
鹽十五縣水人焉舊編亦從此

海鹽水竟自入海不入

大湖也新唐志云古湖宣蘇常

四州境
爲是

東爲松江又東流一百餘里吳郡圖經二百六十里以入

於海舊沿湖之隄多爲樓樓有斗門制以巨木甚固門

各有牐版遇旱則閉之以防谿水之走瀉有東北風亦

閉之以防湖水之暴漲舟行且有所艤泊官主其事爲
利浩博不詳事始今舊牘有刻元豐年號者則知其來
遠矣後漸湮廢頗爲郡害按舊編云今所有者止二十
五今以烏程縣圖考之自外
姐村至太湖村一帶有二十六處皆有日諸處比漢
上水處羅漢張港漢新涇漢幻湖漢金漢趙漢潘漢許
漢王漢謝漢義漢高漢陳漢薄漢漢五浦漢蔣漢錢漢新浦
漢石橋漢湯漢漢成漢宋漢喬漢漢胡漢紹熙中修胡漢記
云湖漢三十六其九屬吳江其二十七屬烏程者兼紀
家港而言也此漢近谿而閘獨不置牘又二十六名有
陽家漢無上水紹熙二年知州事王回修之又改二十
七漢名曰豐登稔熟康寧安樂瑞慶福禧和裕阜通惠
澤吉利泰興富足固益濟皆冠以常字如常豐港卽紀
家港之類橋牘覆柱皆易以石其牘鑰付近漢多田之
家寶文閣直學士程大昌撰記敷文閣待制沈樞書敷

文閣待制賈選題蓋

雪谿起州治之南興寺前

今為景德寺

江子匯以其合四水

為一谿故曰雪四水者舊謂自安吉浮玉山曰苕谿一

自武康銅峴山曰前谿一自臨安府臨安縣天目山經

德清之縣曰餘不谿一自德清縣前曰北流水

袁宇記舊圖經

統記所載並同至江子匯而合直北至會谿亭

今歸安主簿衙

會運河

水同過駱駝橋出臨湖門北經昆山入於太湖曰警水

眾流之聲雪然顧長生三吳土地記云烏程縣東有雪谿水至深處徐陵孝義寺碑云清雪瀾瀾深窮地根

又地書雪者四水擊射之聲故徐仲謀詩曰四水交流

書雪聲續圖經云雪谿其流清不過二谿耳餘不與苕谿皆

定安門入曰雪谿其流清不過二谿耳餘不與苕谿皆

出自然至德清縣東已與餘不谿合而北流至定安門外

通謂之雪谿不待與餘不谿合然後名之也雪者以眾

流合集為義而舊經按字書為四水激射之聲以其源則前谿與餘不谿合其水尙小以其流則未與雪谿合者已名為雪矣安得有四水激射聲乎唐李直方白蘋洲記曰五谿盡流而雪具氣記者謂四水并雪水而五也鄭戢浮玉亭記云日雪水合四水則四水為雪水自來矣古今名稱多有差互統記云興國寺在雪谿館西雪谿館今雙谿亭是也在烏程縣南浮玉亭舊名雪水堂縣西有雪水鄉二處所臨■是茗水今餘杭乃有茗谿館定安門內有四水亭皆相承之誤

郡縣志運河湖州府入迎春門過望州至人依橋至駱駝橋南會雪水者也東接上塘官河其水自平望橋直西至震澤又西至潯谿又西至舊館東遷昇山以入迎春門舊本州界平望驛自塘此至吳江縣界二里南至嘉興縣界二十六里元和五年刺史范傳正奉敕重開見統記又唐地志烏程下亦載此塘及舊編諸書並載今以潯谿為界即不係本州界分

官河在烏程縣東一百二十二里唐元和五年太守范

傳正重開

月河在湖州府貢院東前谿支流環繞形如初月

漕瀆在府州治南

寰宇記舊編云在烏程縣南五十步卽今儀鳳橋下谿

晉咸和

中都督郗鑒開

按晉書本傳蘇峻反及陶侃爲盟主遣鑒都督揚州八郡軍事

烏程縣

官瀆在烏程縣西二十七里晉咸和中都督郗鑒開

統記

作五年舊經作元年按郗鑒以三年都督揚州八郡軍事舊經誤

歸安縣

旱瀆在歸安縣西南一里三步亦在烏程界儀鳳橋

西及舊編載餘不谿荻塘白蘋洲各見郡志下

長興縣

楊濱在長興縣東五里分苕谿北流二十里合餘漁浦
防濱在縣西北六十二里一名范濱

盛濱在縣東五里

喬濱在縣東四十里

武康縣

五官濱在武康縣北二十里吳五官郎中沈衍居之因

名

餘英志云
今廢於

橫濱在縣東南十八里

德清縣

內河在德清縣南三里餘不谿之支流也

馬厄河在縣西南一里亦餘不谿之支流吳越王乘馬

過此而失因以爲名

三文瀆在德清縣東二十里

大麻瀆在縣東六十七里

安吉縣

渾水瀆在安吉縣安福鄉去鄉東北二十里餘水皆清
此水獨濁故名

湖

烏程縣

凡常湖在縣西二十七里

歸安縣

菱湖在歸安縣東南四十五里唐崔元亮開卽綾波塘

也其地產菱居人采而焙乾之以備凶年號菱米

見舊編

長興縣

包洋湖在長興縣北一十五里

忻湖在縣東北一里

圖經云一十五里

周回十二里山墟名云

分谿帶峰蓮菱之下鴛鴻所集所以浮泳寫人憂恨故名

西湖在縣西南五里周回七十里山墟名云一名吳越

湖傍溉三萬頃有水門二十四所引方山源注焉

湖見統記

圖經舊編

山墟名云昔吳王闔閭築吳城使百姓輦土於此

浸而爲湖闔閭弟夫槩因而創之吳興記云夫槩所立吳志云孫皓封烏程侯就國有西湖人景養相皓當大

貫此地人也湖中出佳蓴嘗貢塘高一丈五尺唐刺史
于頔修亦呼于公塘後李詞立于公塘縣元和中范傳
正復令縣令權達吉去塘內田及決堰以復古迹咸通
中刺史源重重建縣令滿虔重修見舊編又新唐志云
後歷廢貞元十一年刺史于頔復之人賴其利

武康縣

風渚湖在武康縣東南一十七里一名巽渚一名封渚

一名九里湖一名下渚湖餘英志云以防風氏得名故
名風渚在封渚之兩間故曰

封渚在東南隅故曰巽渚其廣九里故曰九里湖湖在
上渚故曰下渚統記云封渚者前代禁采捕也舊編

載九里渚云亦號鄱陽汀按圖經諸書別出鄱陽汀不
當台為一縣令毛滂游下渚湖詩有春渚達天闊春風

夾岸香飛花渡水急垂柳向人長
遠岫分蒼紫遙波寄渺花之句
清旁土黏埴陶戶皆

居之浙石陶器多出於此

安吉縣

楊子湖在安吉縣北二十八里舟楫不通吳興記云楊子湖出丹陽湖下其邸閣水分流合於茗水以其統楊子湖爲名也

五湖在縣東南七里曰五龍湖在西南三里曰姚湖在南九里曰稷湖在北二里曰西畝湖在東二里曰四龍湖皆有灌溉之功四龍在龍清觀後吳越武王以望氣者言山有王氣使人鑿之忽有四鶴飛起煙雲滃然化爲四龍因以名湖

潭

州

蘇公潭在湖州府自貴涇東流三百五十步見舊經又統記云在

雲谿東二百五十步至駱駝橋下開元初蘇瓌子蘇頌為烏程尉墜此谿

水間直至潭底統記云因醉舊經云因督縣事聞水中有人語云扶出

蘇公俄出水上有記述其事頌後襲封許國公開元初

同紫微黃門平章事唐書頌初調烏程尉至駱駝橋下蘇公潭此水深不可測中有蛟

蛟代為人患

長興縣

白馬潭在長興縣西四十三里梁陳故事云有白馬見

於此潭故名

龍潭在縣東南三十一里卞山

碧潭在縣和平鎮東吳興記云其水碧也伊洛相類今呼為天潭

金潭在縣西一十里山墟名云金潭金山金塘金渠皆漢樓船將軍曼倩之居故名

武康縣

永安潭在武康縣證道寺之南去縣治三百步

碧玉潭在縣西十里響應山之下本名響潭

統記云響潭在縣八

里山墟名山清虛洞澈每有聲響必隨應故以為名清泉怪石茂林修竹為邑中佳景元和七年五月不雨至於七月時刺史裴君合祭名山谿洞縣令利泐以此潭靈異遂率僚屬祈禱應時甘雨霧電殊穰皆稔耆老謁賀請附圖籍入又名玉石響餘英志云響應山下有龍年符下從之玉應人如谷之正元十六年刺史于頔以陂湖厥淤行答響名玉石響

縣至是因改今名

唐人有詩刻巖上云水面平鋪映碧空夜深明月照龍宮猿猴未響潭先

響一樹花開兩樹紅

石馬潭在縣西十八里中有石馬一名湛潭

德清縣

仙潭在德清縣東南新市鎮隋道士陸修靜嘗自此潭沒數月乃出故以爲名宋葛書思嘗監鎮有仙潭雜詠刻石在墨妙亭

谿

烏程縣

苕谿山海經南山次二經之首句餘之山又東五百里曰浮玉之山苕水出於陰北流注於具區以今攷之谿

有二源西南一源發自天目山之陰金石鄉靈夾鄉東至安吉縣治南之邵渡又白縣東南至章渡又北至正渡東南一源自獨松嶺西聚眾山水并浮玉山水折旋亦至正渡二源合而東至倪渡又折而西復折而東北至梅谿鎮又至吳山北經彭匯入凡常湖又合長興之南烏程之西眾山之水至城下一自清源門入經漕瀆至江子匯爲雪水一自清源門外徑趨釣魚灣沿壕經迎禧門又經奉勝門合雪水以入太湖

餘不谿在湖州府出天目山之陽

曹圖經云其水深徹餘水則不故名不平

聲讀經臨安縣又經餘杭縣又東至安谿又東至奉口經德清縣折而東北至苕谿漾敢山牛墳戈亭又後林邨

又東北爲菱湖又東北至湖跌漾經荻岡寺東直北折而西爲大灣又西北會前谿水入峴山漾入定安門至江子匯爲雪谿

漢沈戎居餘不鄉晉孔愉封餘不亭侯

興書孔愉字敬康少時曾買得一龜放餘不谿中龜人

流數反顧及愉封餘不亭侯鑄印而印紐龜首左顧更

鑄亦然印工以告愉愉

悟昔放龜事乃取佩

前谿在湖州府出武康之銅峴山合東小流南注折而東至慶安鄉寧境廟靜林寺又折而東又東至武康縣治前之千秋橋名前谿又東至縣學前分爲二派其一北流經太原鄉黃龍山之東至沙邨號沙谿與德清縣前北流水合以入定安門經前谿匯至江子匯爲雪谿其一東流經崇仁鄉下渚湖之南以入餘不谿

統記云前谿者

古永安縣前之谿也晉車騎將軍沈充家於此樂府有
前谿曲充自製詞云當曙與未曙烏甌思思後宋少
帝續爲七曲其一云憂思出門戶達郎前谿渡劉長卿
詩云白雲千里萬里明月前谿後谿武康縣有後溪今
悲感寺西之谿
舊曰前谿匯

車谿續圖經諸書竝載在烏程縣東南一百一十九里

吳興記平望有車谿車谿諺云曲阿不食平望不羹謂
之失味舊經云二百十九里誤蓋界至平望止一百三

十二里耳今界今爲吳江縣界吳興諸塘及商浦當接
七十二里

歸安縣界仙潭

舊經統記云在縣東百里隋道士陸修
靜嘗自此潭沒數月始出俗因謂仙潭

潯谿在烏程縣東七十二里有水自德清嘉興來與震

澤陂脰湖接焉

雪谿在縣東南一里自定安門入西合茗谿北入於太

湖舊經云凡四水合爲一谿自浮玉山曰茗谿自銅峴

山曰前谿自天目山曰餘不谿自德清縣前至州曰雪谿誤矣自清源門入曰茗谿其流濁自定安門入曰雪谿其流清不過二谿耳其餘不谿與茗谿皆出天目山前谿雖出銅峴山然至德清縣東已與餘不谿合爲北流至定安門外迺謂之雪谿不待與茗谿合然後名之也雪者以眾流合集爲義而舊經按字書爲四水激射之聲亦非也

歸安縣

東谿在歸安縣東南一百六十里

又四至東至秀州嘉興縣一百六十三里

以東谿水中分爲界

小谿卽施渚谿在縣西北五十四里源出上强山東北

會北流水

寶谿在縣東南四十五里卽射村也太守葛勝仲卜居以昔有漁者每見谿上有光伺之見大蚌乘風而光從中出逐之卽沈因以爲名

思谿在縣東南三十五里

見舊編

練谿在縣東南七十五里卽璉市也

見舊編

長興縣

罨畫谿在長興縣西八里廣二十五弓古木夾岸叢篠翳其下朱滕施其上如是者十里花時游人競集谿半有罨畫亭唐鄭谷詩云願渚山邊郡谿將罨畫通

崇觀間劉

燕詩云欲識人間罨畫處朱滕倒影入清谿

合谿本名合澗

統記圖經皆作合澗

在縣西北六十里

源出蒼雲嶺至山半分爲二道繞孺獅隴南合爲一因

名經尙吳鄉至縣西南門名箬谿

箬谿在縣東五十步一名顧渚口一名趙瀆卽合谿之

下流也又一源出懸腳嶺

統記懸腳嶺山墟名云箬水出焉

至縣東南

門折而南分爲二其正流名上箬又折而東循卞山至

郡城西北角沿城外入太湖而遠其分流名下箬東經

至德

一名趙

人太湖而近顧野王輿地志云夾岸叢生箭

箬南岸曰上箬北岸曰下箬二箬皆村名邨人取下箬

水釀酒醕美勝於雲陽俗稱下箬酒

詳見郡志酒下括地志云

縣前大谿亦名箬谿相同爲名也

統記云四時勝載二百石

荆谿在縣西南六十一里源出荆山東流橫入大谿自

安吉梅谿至吳山北總名荆谿卽苕谿之流也李宗謬續圖經

云荆谿至吳山下每日潮高三尺倒流十七里云是吳

王送女潮今谿無是潮荆山者山墟名云漢荆王劉賈

嘗登此山張協七命曰酒則荆南烏程卽是谿之南耳

統記云烏程去荆州三千六百里非荆州之南明矣

四安山谿在縣南四十三里一名周瀆見舊編源出四安

山過清泉鄉又過維新鄉經本山下會苕谿

餘罍谿在縣東南二十三里輿地志云長城南鄉有餘

罍水以餘罍封爲名梁陳故事云梁武帝時童謠云太

子之居在三餘武帝於餘千餘姚餘杭爲厭勝之法其

時吳興有餘千山餘罍水餘魚浦主陳高祖當之

邸閣谿在縣東南一百三里與安吉邸閣山分界詳見安吉

縣即
關山

武康縣

邑境在羣山之閒湖水交流聚而爲谿環鄉邑治載諸
圖志者六曰前谿曰餘英谿曰後谿曰阮公谿曰封谿
曰砂谿率皆清淺湍瀨僅通小艇及東會餘不谿北至
砂村谿始通大舟故疏鑿之利爲邑要務餘英志又載
新谿長安谿大林皆脈絡相貫因地及事兩名爾至於
港澗洲渚潭井塘堰或以洩水或以防水具附於下
前谿卽武康縣前之谿也

餘英谿在縣西十三里

見統記舊編云十七里卽前谿
上流流行宗族所居之旁也

山墟名云每春夾岸花開落英滿道通夏不歇因以爲

名餘英志云餘英谿在縣治南源出銅峴山東四十里至縣古號前谿是合前谿與餘英谿為一也詳本邑之水皆相連貫而餘英之水發源最長在縣前者人謂之前谿在縣後者人謂之後谿流為風渚封曰封谿地多砂石曰砂谿況圖經記皆別前谿餘英谿為二耶

後谿在縣東北一里即縣後之谿也其源自烏回眾山流出過龍尾橋又通豐橋東注於前谿之北流慶元六年知縣丁大聲以其廐淤不利舟楫募民浚治自龍尾橋至獅子山下長一千二百丈公私便之一萬六千八百有奇五旬而畢

邑人周祐為記

封谿在縣東一百步源出於前谿渚為風渚湖古所謂風渚也統記及諸書云在縣東一百步見封谿注封谿云在縣東三百里誤也

阮公谿在縣西十七里接餘英谿亦前谿上流也梁陳

故事云石靈寶本會稽餘姚人

統記上虞人

寓居武康生女

有姿容天監元年選爲輅乘采女生元帝爲修容賜姓阮氏拜其父爲朝請時人因名其所居之谿曰阮公谿谿中有大青石俗謂之美人石

砂谿在縣東三里以沙羨爲名也

統記云合谿邊有沙村

舊爲兩

谿之支流其水清淺多砂石今漲淤多爲圭田

新谿在縣東三里自後谿東注淳熙三年知縣蔡霖以砂磧漲塞舟楫不通自汭谿口廢舊港徙水道東北注五里合長安大谿邑人便之號蔡公谿

長安谿在縣東北十二里合眾流東注砂邨谿東北匯餘不谿北流水入於郡

澗

伏翼澗在長興縣西三十九里山墟名云澗中多產伏翼有素翼赤腹千載倒挂者

紫花澗在縣西北三十里山墟名云兩岸荒蕪之中出紫花長薄之下出朱藤至三月紫花滿澗一名花瀨澗唐陸龜蒙詩云花瀨濛濛紫氣昏卽此也紫花赭石澗與合谿同澗而異名

赭石澗在縣西北六十一里山墟名云崖岸礪礪望之赭然游者皆若昇絳霄

洲浦

白蘋洲在湖州府霅谿東南梁太守柳惲江南曲汀洲

采白蘋日暮江南春後人因以名洲

續圖經云柳惲於此賦江南曲徐仲

謀會景樓記曰洞庭蕭湘三歲童子皆知其所是不為吳興而作明矣

唐大歷十一年刺

史顏真卿始翦榛導流作八角亭又為茅亭書惲詩於

上正元十五年刺史李錡作大亭一小亭二名曰白蘋

開成三年刺史楊漢公復疏四渠濬二池立三園建五

亭以還顏公之舊白居易為記

續圖經云白居易記云

之楊公繪素之正元中李錡作白萍亭而不及者居易據漢公書作也嘗以李直方記考之曰邦伯李公曰己卯不書年及人名後又題元和元年王澹獲觀此作以歷永泰元年以前年已卯歲正元十五年也唐刺史題名正元十二年至十五年為李錡後遷本道觀察使於六年乃李言年記不應書曰後事錡巨節不終宜樂天輩刪而不書記則微詞而俟考也或曰統記載唐刺史正元十五年為李詞續圖經之言不為無據是不然唐刺史題名李詞自續不應自刻其到罷月日若使是李詞白公何為黜其名李直方輩何必隱其年又統記是

國初人作載唐刺史歲月多與題名差誤當以題名所書爲正杜牧之有題白蘋洲詩

至中和五年五亭二沼不復存刺史孫儲又因蘋建亭
箭茅作室潛渠疏沼光啟中刺史李師悅始卽其地增
土築倉惟餘白蘋一亭餘見白蘋亭下

明月洲在武康縣庠門外大谿之南

貴涇浦在雪谿西南岸舊圖經云梁時烏程有蘇氏女
於此遇道士遺以五彩龜曰後汝丈夫貴三年當有徵

後適章氏生陳武宣皇后因以名浦統記亦載按南史章氏母蘇氏嘗遇

道士以小龜遺之光彩五色曰三年有徵及期后生紫
光滿室因失龜所在永定元年立爲皇后拜母蘇氏安

吉縣君舊圖經統記諸書云

高祖卽位追贈安吉夫人

章浦

獨統記載在烏程縣東南一百二十五步其中多
生重臺荷花識者云主生美人後果生章皇后因

名得

青塘在縣北三里迎禧門外吳時開

舊經等書並據吳梁記云吳景帝鈕

皇后父葬下山令百姓兼丁三十人開之按吳志孫休薨諡景皇帝夫人朱據女休即降立爲皇后休卒尊爲皇太后別無鈕皇后但顏魯公石柱記烏程縣有吳景帝鈕皇后陵而吳興記陵墓亦無之止有吳中書令鈕淑墓在縣西十里御史中丞鈕滔墓云在梁太守柳惲縣東十里戚屬亦不載故未知各何所據

重濟亦名柳塘又名法華塘自城入法華山寺路也黃

浦一名黃檠澗在烏程縣西南二十八里其源出黃檠

山吳興記云春申君黃歇於吳墟西南立菰城縣起青

樓延十里後漢司隸校尉黃向於此築陂溉田宋鮑昭

有黃浦亭黃浦橋送別詩括地志云亦名庚浦卽康浦

也左右有上康下康邨晉殷康爲太守百姓避其名改

康爲庚

又續圖經謂以黃檗洲名顏真卿妙喜寺碑文已詳著不必取數義蓋舊地記並載合存

掩浦在烏程縣東北一十六里一名項浦顧長生三吳

土地志云昔項羽觀秦皇輿大言梁掩其口處因名舊按

志子城爲項羽故城卞山有項王洗馬池項王廟吳興志所載亦合存之

郇浦在長興縣東五里縣圖經載浦瀾二十四餘魚浦柳浦前周浦前荻浦後荻浦魚

餘浦雞籠浦陳瀆浦石祁前浦石祁後浦彭城前浦彭城後浦新塘浦陰寒浦金浦石瀆浦道界浦白茆浦吳

貢浦廣浦張漚浦松公浦並沿太湖

郇浦在德清縣東北四十七里右見統記

太平寰宇記餘漁浦在長興縣東北四十二里周處風

俗記云餘漁浦一名餘吾浦谿卽陽羨之東鄉也吳越

之間漁吾同音舜漁於大小雷此鄉之人舜時化之昔

捕魚之人來居此浦名之

川

佛川在長興縣南八十里吳均入東記云昔宋元嘉元年有石佛自川湧出因創精舍以佛川名之

湧川在安吉縣廣苕鄉去縣南九十里

水

北流水在德清縣前其水分派於餘不谿自清和石橋下北流至沙邨與武康前谿水合又北至峴山漾與餘不谿水合共入定安門至江子匯爲雪谿 右雪水及

苕水以下四分爲五谿

見唐人白蘋亭記舊編云天目山南來之水自臨安餘杭至郡

南門二百六十餘里又地多湫泊故其勢緩而流清北來之水自安吉至郡西門百四十里又岸多山迫故其

勢急而流濁故司漏者權其重輕獨取南來水但西谿有七十二灣水勢微殺不爲郡城害每遇久雨激湍尙可畏也

又有韭谿舊圖經統記諸書並載云在烏程縣東

南一百六十步以岸多野韭故名今不詳所在經以在縣東一

百六十步言之當在城中統記又載韭谿橋言蔣韭谿因今作名今儀鳳甘棠之間皆居宇矣

石圻水在長興縣北四十里山墟名云圻水岸以其多

石故名又有廬圻其土黑

茗水在安吉縣治西南七十五里至唐福堡九十五里

峻淺不通船從唐福來四十五里山海經云句餘山東

五百里曰浮玉山茗水出其陰北流至於具區郡縣志

發源天目山經郡城入太湖山海經出浮玉山誤也

南嶼水一名白水在安吉縣南二百八十里一十四步

東北窟行七十里峻淺不通船至下昇館入於茗水
董嶺水在安吉縣西南六十里嶺上有水源分東西流
東流入江東寧國縣西流者入本縣唐周朴賦詩云湖
州安吉縣門與白雲齊禹力不到處河聲流向西

匯

江子匯在湖州治南卽四水會合處江統記作崗又云舊傳夏夜蠹自道
人馬自然泊舟後至今無之錢信平望僧蠹詩云安
得神仙術試爲施康濟使此平望村如吾江子匯
前谿匯在府慈感寺西之谿灣也詳見前谿下

灣

盛灣在長興縣東一里相傳梁南臺御史尙書令盛聰
所居

駱灣在德清縣南六里相傳梁安成王田曹參軍駱祕道所居

釣魚灣在烏程縣十七都相傳爲張志和釣魚處

蔣灣在德清縣東南三里大谿之灣

戴灣在縣東二里亦大谿之灣

以上見舊編

竊詳餘不之上

流卽餘杭之水也由是而上至奉口其云都下不過九十里士大夫樂居之飲食之物養費而田土之處比他處亦高蓋所不憚也

漕灣在安吉縣順安鄉去縣東南二里

漾

苕谿漾在德清縣東二十五里闊數百頃山墟名云以

貢竺得名南岸有蘭相如廟北岸有青州刺史姚恢囚女城

湖跌漾在歸安縣西南二十五里統記云鮪子訓卒葬

湖跌山卽其旁山也舊編云廣二百頃

峴山漾在縣南定安門一里德清餘不谿北流谿武康

前谿水所會處也俗呼鼃卵湖以後見舊編

洛舍漾在縣南八十里產金蓮子

馬林漾在縣南四十五里多陶戶爲甌瓦見舊編

涇

梅涇一名東梅堰在烏程縣西南六十里以古罾亭爲名

渚

顧渚在長興縣西北三十里山墟名云昔吳夫槩顧其渚次原陞平衍可爲都邑之地今崖谷之中多生茶茗以充歲貢

新唐志云顧渚有茶以供貢詳見貢茶院下

貢茶院於中川配造齋進會

昌中加至一萬八千四百斤

仙人渚在武康縣西四十里俗傳沈義登仙之地上有石盤名曰石胡梯

錢渚在縣西一百三十步

餘英志云今廢淤統記以錢

氏所居著

費渚在縣西一百四十步

餘英志云今廢淤統記以費

氏所居爲名

右谿渚川濱餘英志云縣四圍皆山獨東北隅小缺
自紹興以來民之匿戶避役者多假道流之名家於
山中墾開巖谷盡其地力每遇霖潦則洗滌沙石下
注谿港以致舊圖經所載渚瀆厥淤者八九名存實
亡

小白瀨在長興縣東南三里一名白露湍

以上見續圖經並統記

無胥淹在長興縣嘉會鄉無胥邨東西闊四里南北五
里淹內有堆曰郭轉堆

湛星港在武康縣東南十里與風渚湖通中有水一泓
常湧泡沫一名李港

烏山港在德清縣東南三里亦餘不谿之支流往新市

烏墩水路

孔愉澤在德清縣西南二百步天寶橋西晉孔愉字敬
康微時經餘不谿上見漁者籠一白龜買而放之龜於
水中左顧數四後以功封餘不亭侯鑄印紐龜左顧更
鑄亦然工以告愉愉乃悟遂取而佩之後人因以名焉
鄱陽汀在武康縣北十五里宋鄱陽太守沈雍之開
志云今廠於舊編卽以爲九里清下清湖非也

吳興志卷五

吳興志卷六

宋談鑰撰

宮觀

州治

祥應宮在黃龍洞顏真卿石柱記所載金井洞是也吳

越王時丙子歲

顏圖經作梁
禎明二年

遣將軍吳承裕與道士鄒

守仲齋龍簡投於洞有龍見洞中因置宮於側久廢

舊圖

經續圖經
皆作今廢

乾道初重建

佑聖宮在城西弁山南已廢今邑人卽其址惟建玄武

祠紹興初道士沈無礙結庵此處恍惚見真武像命工

圖寫刻石奉事既而庵前石洞有一龜一蛇相隨而出

自是晝出夜藏人加歸嚮因建祠宇移德清元降觀廢額揭之後請於朝賜今額

天申介福宮在歸安縣東林乾道中神霄道士蔡大象建高宗皇帝御書額賜

道觀在城二所皆因梁大同之舊梁武帝非惟好佛又崇老氏之教矣立國以名分爲先而爵賞所以駕馭羣臣也釋老之教棄人倫絕勢利一以清靜寂滅爲本蓋山林遁世之士以獨善其身耳彼固不靳乎人主之好尙也人主尙之則自無以爲國宋觀宇第爲崇奉香火之地無所增繁深得道家清靜之本意

天慶觀在子城一百五十步梁大同二年建舊名玄風

觀唐神龍二年改爲龍興天寶元年改開元國初改玄
道大中祥符元年以天書降詔天下置天慶觀郡以此
觀應改賜今額四年詔卽觀內建聖祖殿凡官吏到任
及歲時長吏率官屬朝謁著於令慶元六年知州事李
景和修歸雁亭蘇東坡爲道士宗說石在觀內

報恩光孝觀在子城西北一百二十步梁大同二年建

本名習善唐開元二十六年改爲龍清後以居女道士

見舊圖
經統記

熙寧中廢元豐元年知州事鞠宜卿命居道士

崇寧三年改崇寧萬歲觀仍賜御書天保之殿四字續
改賜景命萬年之殿六字政和二年改天寧萬壽觀紹
興七年改報恩廣孝觀十二年以廣孝字同太祖徽號

改今名

烏程縣

普照觀在烏程縣南四十五里菁山齊永明一年潘刺史捨宅爲觀名靈壽宮本朝治平二年改今額 有葛仙

翁祠

見圖經

歸安縣

常清觀在施渚鎮梁大同四年施肩吾捨宅建號清虛宮尋廢晉天福四年施元德重建本朝治平二年改今額後又廢紹興中和義郡王楊存中請其額於墳庵乾道初復還元通觀在漁林慶元四年邑人卜元圭請移本州廢額建

長興縣

沖真觀在縣東二里晉武帝咸康元年作唐高宗麟德三年正月一日泰山月有重輪敕天下郡各置觀一所
以重光爲額遂立爲重光宮治平二年改今名見統記舊編

武康縣

延真觀在縣西北隅崇福里齊永明二年置號崇福本
朝治平四年改賜今額神仙沈義故居也觀北極殿東
有環翠堂西有翠屏軒東廡有靈廡真君道院事見郡志神仙
下觀西有東嶽行宮大中祥符元年建

昇元報德觀在縣東南禺山之麓紹興二十六年和王
楊存中建本移施渚玄真觀廢額後高宗御書賜今名

紹熙初又建普照觀於北

德清縣

東嶽行宮西南面大谿枕城山新市鎮亦有之見舊編
紫極觀在縣西十里文墅山梁大同七年建東宮直沈
文仲表云曾祖吳興太守道思少好玄默以祖父故宅
捨爲觀請以太玄名之壇三級唐中岳道士沈法謙捨
錢五億造銅鐘及醮壇繞壇有古柏十九株椶櫚三株
治平二年改今額

安吉縣

東嶽行宮在安吉縣龍清觀左

經始於元符庚辰落成於政和壬辰初營殿基

得圓石渾如天成上有七星列若斗柄其次二星如先後而拱於上其四星兩兩相比人皆異之記文

宣德郎彭修撰

集仙宮在縣西二十八里齊永明二年三月置梁大同三年十月廢今不存

昭明宮在縣南四十里梁天監十年置永寧元年九月廢今不存

紫陽觀在天目山梁武帝大同年間置昭明太子勒碑記當時恩獎之盛旁有石室可容數百人葛勝仲詩云蕭公老寺主亦復知尋真大同築精舍招賢羽衣賓又云偉哉古石室空洞容千人凡十一韻

嚴真觀在安吉縣西北世傳古白鶴宮基崇寧中復建爲真君觀政和八年賜額內有聖祖殿又有橫碧軒盡見四面安吉長興諸山

龍清觀在安吉縣東過江渡依四龍湖山政和中移本
州天寧觀舊額建

壇壝

州治

社稷壇在清源門外祥符寺東

政和元年四月敕旨頒社稷壇壝式圖知州事章援按

圖重建刻石立於齋廳熙熙三年知州事鞏湘重修統記

云社稷壇二所一在烏程縣西一里一在太湖壇在烏程縣東北三十里今廢每遇春秋二社祠於縣西社壇即今處也又括地志云烏程縣東一里孫皓宅前有大社樹今姚谷橋北有社廟巷

烏程縣

社壇在縣治南一里見續圖經今在縣西南二里高巷

歸安縣

社壇在縣東一里望舟橋下

邑厲壇倚郭縣不設附郡厲壇同祭

長興縣

社壇在縣西二里南瞰簪谿上

武康縣

社壇在縣西一里餘英谿上

德清縣

社壇在縣西南一百五十步市亭山之陽

安吉縣

社壇在縣西南一里石磬巖東

吳興志卷六

吳興志卷七

宋談鑰撰

官制

昭慶軍有節度使又有承宣使觀察使節度使始置於唐景雲中唐制掌總軍旅顓誅殺辭日賜雙旌雙節行則建於節立六纛入境州縣築節樓迎以鼓角視事之日判三案其後有持節爲節度副大使知節度事者正節度也諸王拜節度大使者皆留京師本朝節度使政和間始正名率領遙不預政今惟奏狀及係朝省文字則列銜屬官唐制有判官支使掌書記推官巡官衙等今惟置判官掌書記承宣使本唐節度留後政和七年始改爲節度使

觀察使始置於唐至德中今監司之職其權甚重行部
所過刺史始見皆戎服趨庭致禮本朝用爲武臣遙帶
本州有觀察使印郡文書璽併與州印並行用屬官亦
同節度使今惟置支使

與書記不並置有出身帶書記無出身帶支使

吳興郡有爵封采食邑千戶封郡侯二千戶封郡公皇
之近屬尊行封郡王若王子出閭亦封郡王

上湖州唐武德令三萬戶以上爲上州永徽令損萬戶
顯慶仍前開元十八年增爲四萬雄望等同上州刺史
一人從三品職同尹牧掌宣德化行縣錄囚恤鰥寡本
朝藝祖開基革五代藩鎮之患召諸鎮率賜第留京師
分遣朝臣出守列郡號知軍州事兼兵民之政焉州自

唐末爲節鎮遴選守臣高宗龍渡遂爲輔郡非位通顯才望相副者不授服色未賜紫者借紫服綠者隔借通判軍州事唐制上州有別駕一人爲上佐本朝乾德初始置州通判以二郡藩府或置二員小郡或不置本州今二員內一員添差

簽書節度判官節度掌書記觀察支使號兩使職官書記以下皆選人授惟節度判官舊制以京官以上充故曰簽書日入郡之簽廳治事焉簽判本一員今添差一員書記支使不並置

州學教授唐初郡置經學博士德宗時曰文學元和中廢上州置助教一人本朝慶歷中始詔諸郡立學委轉

運使及長吏於州縣官內奏選爲教授若少文學可差
卽令本處學舉行義之人在學見實錄至熙寧中始專竇
教授官郡學初建以胡安定先生主之慶歷四年以試
大理評事授州學教授有詔在學祕書丞致仕朱臨繼
之主學於後率用他官兼領崇寧初行舍法州置教授
自王昇始

錄事參軍掌正違失莅符印司理參軍掌刑獄司戶參
軍掌帳籍司法參軍掌麗法總曰曹官宋循習唐制上
州各置一員特改司士曰司理而司功司倉司田司兵
不置也錄事多兼右院開寶初詔諸州置司寇參軍以
新進士及選人資序相當者注授又詔諸州三萬戶以

上置錄事司戶司法各一員一萬戶以上司戶兼司法
五千戶以上司戶兼知錄事實錄唐志所載州官別駕以下有長史司馬司功司
戶司倉司田司兵司法司土市令各一人錄事三人下
參四人兵十七人開元大興制也大歷八年顏真卿為
刺史撰御書題天下放生池額恩赦批答碑陰載州官
姓名別駕司戶司法各四人長史司馬錄事司士各三
人司田二人司功司兵司倉參軍各一人共三十人邑
官稱是五邑令有一員者丞有四員者簿有二員者尉
有六員者別駕長史司馬司戶司法之數若此之多蓋
自太宗定制之後已有員外置後又有特置同正員之
類肅代之際兵興多故銓法素壞官員益濫若今
添差及不釐務之類在唐時悉著階伍所以若此

右文官自邠州事以下

兩浙西路副總管鈐轄本朝總管舊曰部署避英宗諱
改其副總管以觀察使鈐轄亦本朝置諸路帥臣或帶
都鈐轄或以都鈐轄兼知州餘官為副與副總管但以

資歷差本州非屯駐重兵之地其駐劄官隨時特差或不釐務皆不常置

監湖州駐劄 分都監一員 州鈐轄一員 兵馬都監監押共三員大使臣以上爲都小使臣爲監押

右武官

監都酒務監戶部贍軍庫文武各一員

監都稅務文武官各一員本朝重監當率以京朝官爲之蓋當全盛時財賦易辦且有優賞今遂爲繁難猥冗之職惟詮法京官初任人必注授及到官後往往爲緣故差出及經營攝易獨武官或選人急祿與考第者始安於職任 批岸司官二員

右文武官通差

烏程縣

知縣事漢曰令長本秦官掌治其縣萬戶以上爲令減萬戶爲長自吳以來見於史傳者皆曰烏程令則萬戶以上也漢令秩千石至六百石魏分九品唐六典諸州上縣令從六品上國初因之建隆三年始以出朝官知縣事近制從正郎以下爲令從事郎以上爲知縣事烏程爲壯縣隆興中在四十大縣之數知縣事皆堂除政績顯著者召赴都堂審察以階云院六察云吏額曹司十六名四名有請貼司二十名卿司十二名廳司十四名六名有請手力五十名丞漢有之百官表謂縣皆有丞尉秩四百石主二百石

前漢黃霸傳有丞許如皋曰許縣丞也唐制上縣丞一
後漢張玄定武中爲陳倉縣丞是也

人從八品下大歷八年顏魯公放生池碑陰記內有烏

程丞吉佶徐彥雲李抱虛凡三人而潯化中無之舊圖中止

有縣令主簿尉廨近制京官以上曰知縣丞

主簿自漢置本朝因之後漢繆彤爲任縣主簿仇覽爲
考城主簿是也唐上縣主簿人正九品下唐大歷中有
李翼國初有陸東

尉自漢有之唐上縣置二員從九品下開元中上縣萬
戶以下上增一人分主六曹事大歷中顏魯公放生池
碑

有顏察辭希鑄呂遙楊使四人昇望碑載尉亦三人今

置一員管弓手一百二十五人

監烏青墩鎮稅兼煙火公事一員多差文臣京官

大錢管界巡檢一員多差武臣大使臣正副使

歸安縣

知縣事一員吏部尙左注京官以上人

吏額押書錄事
二名司曹十七

名貼司十一名免役常平案二名手
力節級廳子七名長行四十三名

丞一員京官曰知縣丞

主簿一員

尉一員

管弓手十將一
百四十五名

施渚鎮監官一員係文官

管專欄
三名

湖秀兩界巡檢一員係武官寨在射村

管土軍
九十名

長興縣

知縣事一員

丞一員

主簿一員

尉一員

監縣郭酒稅務一員

監四安鎮一員

左選

四安管界巡檢一員

監合谿犒賞酒庫一員

監和平犒賞酒庫一員

本縣史額管典押二名印典二名長行九名共十四名

鄉書手十五名諸色役人管手力四十五名弓手九十
名雜職六名縣鎮所由四名欄頭四名保正一百五名
承帖人一百五名

武康縣

武康縣邑官知縣事一員自秦曰令唐上縣令從六品
上國初始命朝官知縣事近制以京官以上注選人亦
破格注授從政郎以下曰縣令

丞一員唐上縣丞一人從八品下大歷中有時尙素鄭
若水湯延祚三員京官以上曰知縣丞

主簿一員唐上縣主簿一人正九品下大歷中有孫泌

葉迅二員

餘英志云縣舊不置丞簿本朝崇寧二年始
命邑無大小皆置丞以丞兼簿大觀四年例

省政和六年復置丞兼簿既而罷丞簿復歸尉建炎
初始命縣滿萬戶置丞餘並罷紹興五年始命置簿
尉一員唐上縣置二員從九品下大歷中有陳演長孫
瑀杜重英呂液四員監規務一員監酒庫一員

德清縣

知縣事一員

丞一員唐有丞陸造錢箕兩員

主簿一員

尉一員唐有尉孫演李光之桂林三員

監稅務一員

監新市鎮一員

下塘巡檢一員

安吉縣

知縣事一員以京官以上注選人亦破格受唐楊宥曹友諲二員並注

丞一員京官以上曰知縣丞唐時有攝丞楊齊先康造

主簿一員唐時有盧勝

詳見武康縣下

尉一員唐時有杜軫程希俊馬伯珍盧弼李湮包審

監稅務一員

監梅谿酒稅一員

幽嶺巡檢一員

吳興志卷八

宋談鑰撰

公廨

州治

州治在子城內正北唐武德七年李孝恭築羅城時所
遷也弘道中武太沖嘗以廳前湫窄增其棟宇統記云
孝恭以子城湫窄更築羅城遷刺史宅於子城內其道
西孔子廟遷谿南以其地起棧廨統記又云唐沛郡武
太沖爲吳興太守以舊廨前湫窄乃增其棟宇旣就有
大白蛇長數丈橫於廳前有筮者曰此項王神也不宜
損宜奠祀之太沖以爲正以勝邪吾以子養百姓蛇何

能爲有頃蛇遂死也按唐刺史題名武太沖以弘道二年授

廳事梁乾化二年檢校少保錢傳璟建梁有題識左正佐國功臣制置都指揮使檢校少保前平婺州刺史錢傳璟奉吳越王命建見存舊傳子城爲項王故城晉宋齊梁閒皆云其神居郡廳事孔靖晉末爲吳興太守先是吳興頻喪太守皆言項羽神爲卞山主居郡事二千石當避之靖居廳事終無害梁蕭琛天監初爲吳興太守郡有項王廟土人名爲憤王頗靈驗遂於郡廳事安牀置幕爲神坐公私請禱前後二千石晨昏於廳拜祠以輓下牛充祭而避居他室琛至著履登廳事聞空中有

叱聲深厲色曰生不能與漢高爭天下死據此廳事何也因遷之於廟又禁殺牛解祀以脯代肉

儀門準制列戟十二舊編云舊嘗揭湖州碑以下崇寧間劉給事燾爲吳侗作誌曰譙門舊揭軍額於上而以州名勝於下嘗訝吾鄉山水秀麗舉子不爲第一雅或緣是太守王曾以爲然取州額勝儀門是歲侗魁南省次舉買安宅遂廷試魁天下後因重建儀門仍遷州名於額下

沙墀在廳事前方廣約三丈周以欄楯中實沙土立戒石亭於上

架閣樓在譙門內儀門外之東西偏元祐七年知州事

張詢建凡三十間土爲八庫下爲八司局房簽判朱振
爲記乾道初火今不存西北爲添差通判廳事據舊圖
云有敕書樓在州衙內西偏今亦不存

浙西道院在郡廳西卽舊吏隱堂也知州事徐仲謀記
曰詞訟清簡稱吏隱堂之號宣和中知州事葛勝仲易
今名

畫錦堂在郡宅東顏魯公千祿字碑跋云大歷九年正
月七日於湖州刺史宅東廳書院卽其所也後改爲燕
堂乾道九年知州事趙師夔改今名

訟稀齋在西廳之西廊舊名靜勝慶元六年知州事李
景和易今名

無倦齋在郡廳側舊號山齋後易以秀知州事陳之茂
易今名有記刻石

通判軍州事廳在子城內州治西偏治平三年張太寧
重建記載作新解門聯屬迴廊十有六間又建麗澤愛
山一亭清心三小軒淳熙二年萬侯致中重修題名記

嘉祐六年章衡作追書前政二十八人而參政王巖樞

密王堯臣內翰胥偃在焉太寧摹勒前刻寵於壁題名

通判置自國初至嘉祐三年章衡始立題名追錄自咸

平四年何敏中而下其後相續至政和三年尹材卿凡

五十四人後缺而不錄建炎二年張巖追書之纔得六

人尙闕其到罷歲月至今又二十九人刻於左方何

敏中張格劉志寧任巽胥偃歐陽處汪

白王巖章若訥丁誦丁文熙崔育林邊

調王堯臣梁吉甫李荆賈昌言趙咸一

向釋韋覺劉濤群長儒鄧潔鄭巖程致

張太寧 吳仲 滕甫 周延雋 章衡 胥元衡 謝相檢

彭敏行 鄧祐甫 富威 張世英 王公約 毛經

逸余中 劉珣 王璧 趙演 王益謙 郭茂倫 熊仙 求

移黃炎 陳能千 徐明達 趙演 張維 尹卿 施邁 鄭待問 臣

馬熙 陳興 張熹 章元崇 李孝恭 胡浩 雍鄭 楊可

人陳輝 吳德 興 俞仲并 賈廷佐 尹躬 袁祖忠 梁李 萬

安葵 張好 朱翔 徐植 賈安禮 常珠 梁祖忠 梁李 萬

俟數中 張端友 王濟 周世修 翟唆 王公萬

李宗大 史溥 朱候 李友直 翟唆 王公萬

唐介壽 添差通判廳在譙門內西偏舊司法之廨也

紹興七年始為今廳題名有記 添差通判始於紹興初

至潭熙八年趙亮夫凡二十人有石刻今亦列於左方

李杵 趙名彥 秀安信王繼之 趙名彥 秀安信王繼之

王守道 胡浩 趙善長 張瑜 白彥陽 張子華

徐發 胃 韓璧 葉淋 趙不韋 趙師嚴 林仁

趙亮 趙充 師回 曾樂 張第 徐綱

僉判東廳載舊編云在州大廳前今在衙門內天聖中
章侁作廳壁記治平中狀元許將建亭城上知州事徐
仲謀名之曰桂香

教授廳在州學之西東有澹軒政和七年馮晉立漳熙

三年虞儔重建今廳壁有題名記題名記曰州學始建

後常用他官兼領故題名不立崇寧初廣舍法於天下

州置教授自王昇至漳熙王寅凡三十人到罷歲月俱

刻之石今錄於後王昇何璠然顧文虛林景淵

蔣用行馮晉程滂吳元美關注姜紹曹岳

厚洪興祖元盥越敦臨張洙王盼程叔達

唐堯封鄭穆沈揆王明發李知已虞儔

張恪楊起沈揆王明發李知已虞儔

何武仲周世南柴必勝姚瀛戴溪劉必子

陳洪

添差僉判西廳建在子城外之西舊稅官廨也漳熙中

趙師皋始居之居趙善臨創廳事鄭鎮葺弊添造許關仲啟爲之記

節度掌書記廳

無出身曰觀察支使

在僉判廳西有集虛堂元豐

三年陳師錫爲之有記

錄事參軍廳舊經曰在州門內西偏今在子城外之西面南州院在焉

司理參軍廳在子城外之西面東司理院在焉

司法參軍廳寶元初李惟甫請於郡遷於子城西偏劉異爲記今爲添倅廳徙軍資庫北

司戶參軍廳在司理院南有二軒王三恕爲記

兵馬鈐轄廳寓鴻禧寺

路分都監廳在添差僉判廳西舊兵馬司也兵馬司在

路分廳南兵馬都監寓焉

小使臣爲監押

一小景德寺一南廟

睦宗院在南景德寺西廊紹興中立

永寧倉唐刺史李師悅增瀾洲土建名曰永寧見師悅神道碑後更今名卽省倉也嘉祐七年知州事鮑軻重修見舊圖經淳熙八年知州事胡南逢重建參議蕭德藻爲記

軍資庫在昭慶門內舊架閣樓之東唐咸通十五年刺史張搏重建題梁見在中爲受輸廳廳北有泉竇樓上以受幣帛下藏錐焉嘉祐中知州事張田重修徐仲謀爲記遂刻石於庫門

轉取行都本局熟藥貨賣儲米曰倉貯錢曰庫茶鹽曰
公家之用者也然取必有子古者有鰥寡孤獨之養有
窮困疾病之餼所以爲惠也今郡之惠民者有四焉曰
義倉以給貧妻乞丐之有籍者曰安濟坊以養老疾病
之無歸者曰養遺棄小兒所以收嬰孩安棄之弗育者
曰太平惠民局則轉取行都本局之藥以貨焉雖
以錢得之而藥材分劑則可倚仗今故表而出之

戶部贍軍酒庫在子城東南

常平庫在子城內

甲仗庫在儀門內之東北隅嘉祐中知州事張田建有
唐紀功碑述元和中辛祕擊李錡功二石在焉統記云有庫樓

公使庫在甲仗庫北

都稅務在霽谿南潭化中潘金庭記云宋朝平一六合
泉貨委積思所以息末崇本始命州縣城市悉置商稅

務以爲定式蓋欲隨其俗以便民也吳興初以市物之
直一萬則稅五百蓋二十而取一歲入以二十萬實爲
錢二萬貫今征商五十而取一歲入則十倍而贏豈民
物之富商賈之夥非曩時比乎

都酒務在駱駝橋東慶元閒知州事李景和重建屋百
十八閒及築周圍牆

回易庫附稅務

抽解庫附都稅務

西倉在清源門內北岸臨谿舊圖經載云
貯義倉米合同茶場舊

經云在州衙今在清源門南岸

醋庫在子城西南隅有舊廳三閒卽古煙雨亭也

造船場嘉祐七年知州事鮑軻新創排岸司於蘋洲東

岸今附銅官廟

鐵作院今附銅官廟

義倉令人戶納苗帶納義倉米儲在西倉以乞丐人

之有籍者以收受老癯或病患無家可歸者其屋同門

為民居其巷尚名養濟院按唐會要會昌五年十一月

動悲田養病坊緣僧尼還俗無人主持恐殘病無以取

給兩京量給寺田振濟諸州府七項至於十項合於本

貫選老壽一人管當以充粥科人開元十七年有養病

坊碑邵閭之撰見金石錄今乞丐紹興三年知州事王

人所居猶呼悲田坊未詳其處紹興三年知州事王

院即慈感舊名也撥置田畝歲收租養贍差僧行各一

名主管收支紹興三年王檢正任內牒委教授根括孤

病貧乏老病之人於城北霸王廟側建屋

存養撥置田畝歲收租米二百九十石養贍差僧行各
一名主掌收支簿書月給錢五百文米六斗見管老幼
四十來名慶元中通判曾繁積三歲圭租置田六十四
畝有奇歲收租米三十三石足付院添助養贍田之步
畝契書刻散收養遺棄小兒錢米所舊在州學齊館廳
之於石

西隆興二年知州事鄭作肅以遇歲歉貧民有生子不
舉棄之道路者募乳嫗收養之月給米一石七歲而止

續又命醫二人治其疾病條事目立石於學教授董其

事收養遺棄嬰兒事自湖州知通判廳訪聞本州貧民

院觀門廊及儀鳳駝兩橋內至曉凍餓死亡災傷年

分光甚郡中曾有長者遇夜策杖親至諸處收養存活

甚多近歲無人接之舉行遂至枉壞性命探可憐愍今

措置下項事目立石於學庶幾不欠可以施行一請州

學教授專切提點應於事件一合於都副孔目官六名
內指差兩名營幹及輪流躬親尋訪遇有上件遺棄嬰
兒即時依後項收養仍置籍拘上如所差人出職雜役
即仰於六名內別申明接續管幹一合於直廂巡知委

常切常巡察知本地分內有遺棄嬰兒即時報所委人
吏收取其廂巡每報到有遺棄嬰兒一名支給錢百文
其錢亦仰所委人吏具狀申州支給并出榜曉諭諸色
人如遇有遺棄嬰兒即時徑於州學教授所取覆教授
收取每名赴州亦支上件賞錢一合預行勸諭有乳之家十
人每名先支與錢一貫文作給兒錢後有收到遺棄男
女支付之乳養每名別給錢一貫文米五斗候養給一月
更支米一石置歷請至七歲勿給仍令乳母每月抱所
乳嬰兒赴州呈驗訖即行走請行米其乳母所養嬰兒
候年至七歲勿給月米若乳母願收養為白己男女者
聽一候收養遺棄嬰兒將及小人每添勸諭有乳母之
家準備乳常令有乳母空閒等待乳養一其狀陳乞當
兒如有民戶願取為義子孫收養者許其具狀陳乞當
議給付一合支錢於公使庫支米於本州收糶單糧出
贖米內支給數內依條支義倉米一百石續又契勘所養
遺棄小兒醫藥一節元失講究自庫照四年正月始中
使府差委醫官二員遇病治療從公庫依掌上等列月
各給酒三甌三大節各給藥酒五甌以補藥餌之費
澤熙五年六月提舉常平事張體仁行部捐米五百石
付學添助收養又取在官閒田六百餘畝使學歲收租

以給焉

見給事今郡學以錢收支涉嫌轉屬司法廳掌管頗失創置之本意

烏程縣

知縣事廳事唐時建乾寧三年令李蟾修本朝大中祥符間令薛耀卿重修皆有記敕書樓在縣中間亦唐時建生明軒制錦堂桃露亭松桂堂清閣亭相國池並在廨內

大歷中令李晤生相國紳於縣廨學弄之歲墜此池逾數刻若有物扶持而出既顯邑人因名曰相

國池見李蟾修廨舍記

丞廳在縣治東唐時本尉公倉廳

至今廳有唐尉陸咸求修功倉廳碑

通以來爲主簿廳後置丞始爲丞廳

主簿廳在縣治南舊在丞廳後無定止紹興中寓普寧

院

見續圖經

今在浮玉亭

尉廳唐尉功倉廳即今丞廳也按丞廳有唐文林郎尉

再修功倉廳壁記云縣有三尉功倉廳六司是廳署之一

功曰倉唐主簿陸求書其後言功倉廳當時尉署之

也舊編云顏真卿放生池碑列諸縣亦三人趙明誠言唐人

而烏程縣四人是之多益不嘗見唐志及此記也續圖經

縣尉不應如是之戶踰萬者三人按顏公放生池碑

云唐制上縣尉二人察人唐新志上縣尉二人又云武德

陰列烏程縣尉亦三人唐新志上縣尉二人又云武德

中府陳褒撰尉尉亦三人唐新志上縣尉二人又云武德

元年改書佐日縣尉尉亦三人唐新志上縣尉二人又云武德

日尉開元上縣尉尉亦三人唐新志上縣尉二人又云武德

水亭

蘇東坡有賦得長字韻詩

靖康初嘗徙入門內紹興初復舊

烏墩鎮稅務在本鎮每字月合發一千七百七貫文經

係本鎮團綱起發赴州庫

舊圖經云商稅務一在縣東南九十里

上林坊

石渚坊

謝村坊

潯谿坊

舊館坊

五浦坊

裏山坊

丁遙坊

於塔坊

輒村坊

石橋坊

以

上十一坊係民戶買撲每月半納坊名課錢東遷坊

係州郡自開賣

烏墩坊

妙嘉坊

前盧坊

虞渙

坊

以上四坊係戶部差官監造

歸安縣

知縣廳事在子城東一里宣和四年縣令錢耕重建

敕書樓在大門上

手詔亭在敕書樓前谿光亭對

敕書樓前臨運河開禧二年邑宰鄭昭先重修 縣廨

內有虛心堂今改曰敬臨東軒今改曰弦歌歲寒堂今

改曰拙齋拙齋之偏曰雙桂堂邑宰王寧有秋夜賞桂詩曰秋風吹天香先著

桂枝裏更挹月露清芬馥喚睡起攪衣夜未央眾喧不

入耳有來蕊珠仙黃袂翠蓋底豈無碧雲腴為君一啟

齒醉臥金粟閒絕勝佩蘭芷

丞廳在縣治南采蘋橋東見縣圖經墜釵橋在內舊有武綃

堂不知何人所建乾道中添倅齊慶胄作記嘉泰中顏

圯濡須王咏以俸重建其廣高倍於舊又於堂相對砌

蟾桂亭繞於荷池修竹其西曰來清軒廨宇煥然一新

舊圖經有縣令主簿廨無丞廨烏程亦然蓋國初各縣未置丞耳主簿廳舊編云在子城東是置時自有廨舍與縣相接

縣今在丞廳西白蘋洲上淳熙乙未主簿喻璫勸建

尉廳在迎春門外運河之南舊迎碧堂址也

太守徐仲謀有詩

內有水積樓後人改曰水雲鄉向池池中有舞臺殊為
勝境靖康中以兵入迎春門內紹興十七年始復舊處
今樓不存有亭仍曰水雲鄉舞臺惟故址在焉

圖經載場務一商稅賣茶鹽場在施渚鎮惟稅場 渚

稅務

舊編云額五千二百八十五貫

省倉常平義倉附州倉

省庫常

平庫在縣治

酒房七處

鹽市坊

西吳坊

思谿

坊 施渚坊

史吳坊

東林坊

長壽坊

據縣圖經皆係置撲

坊本縣管催課名錢舊稱市西吳施諸三處係買撲東
林思谿千金東吳並係戶部差官監造酒息錢徑經本
部

長興縣

邑治在縣城內西北隅 敕書樓在子城上

知縣廳事開寶六年建

有天聖三年縣令張合碑記在焉

後經兵火紹

興五年令張琮重建 無訟堂在小廳 安安堂在宅

堂後 吏隱堂在廳之西 含輝閣在廳後 共賦亭

逍遙亭在後園 玉方亭振彩亭在後圃池上 涼榭

亭在子城北

丞廳在縣城東南

主簿廳在丞廳東

尉廳在主簿廳東有顧曲堂積春亭直鈞軒

監酒稅廳在尉廳西南

武康縣

知縣廳在舊武康縣餘英谿北隋仁壽六年徙谿南唐
廣德元年袁晁作亂蕩爲丘墟二年復移治谿北建炎
中更兵火又成煨燼紹興二年縣令鍾燮始復營造

敕書樓在武康縣中門鍾燮建 手詔亭在武康縣治
前 衙門鍾燮建淳熙二年知縣蔡霖更造 東堂在

武康縣本盡心堂嘉祐三年縣令王震建紹興五年縣

令毛滂作新之

毛東堂集所載詩詞甚多

紹興初鍾燮重建二十三

年曾愷復加增葺 公生明軒在武康縣廳事東鍾燮

建 嚴桂堂在武康縣東堂後 先春堂在武康縣廳

西淳熙三年知縣丁大聲於其北作雙桂亭裏香閣下

瞰花池 二柳亭在武康縣圃 寒秀亭在武康縣有
古松毛滂有寒秀亭詩 釣魚臺在武康縣圃東北池
上毛滂敘云疊石爲漁磯在北池上畫舫齋在武康縣
圃西池中毛滂爲齋名畫舫慶元三年知縣丁大聲於
此作亭名歲寒 清心堂在武康縣西園池上鍾燮定
陽縣春亭在武康縣毛滂名有詩潛玉庵在武康縣毛
滂造有詩淳熙十二年知縣程九萬於庵敘石之上植
松種竹作亭於其上名松桂林餘英志云據毛澤民集
縣治有東園又有西園
今堂宇所占地僅十分之三蓋縣舊無數教場紹興初
知縣燮始析其東爲園武之所實毛滂今望遠樓之舊
址

丞廳在武康縣治東淳熙二年丞趙彥紹重修

主簿廳在武康縣丞廳東舊寓蕭寺
淳熙十二年主簿趙師詰始買民地
勸建

尉廳在武康縣丞廳西乾道三年尉
周粹中毀淫祠以其材重建

毛澤民有尉圃觀梅詞

監稅廨在武康縣簿廳之南
淳熙十三年知縣程九萬築僧外舍建

稅務在武康縣千秋橋西稅亭
慶元五年知縣丁大聲監稅李留文重建
省倉常平倉在武康縣治門外之

西省庫常平庫在武康縣治門內東廡
贈軍酒務在武康縣千秋橋西南酒庫
舊係居民買撲乾道七年始歸之戶部
下渚坊在武康縣下渚名錢屬本縣拘

催發納 砂村在武康縣砂村 上陌坊在武康縣上陌係戶部差官監造酒息錢徑納戶部 教場在武康縣治之東中有射亭 醫院在武康縣贍軍酒庫東知縣丁大聲奉漕檄置倣郡中居養院 漏澤園在武康縣西烏回山密嚴寺之東

德清縣

知縣廳事宣和初縣令趙嵎建鄭知幾爲記 敕書樓在縣門 手詔亭在縣東前 松竹堂在大廳西舊名宜堂醉花堂芍藥甚盛 浮疏堂梅花最多 縱雲臺在松竹堂後縣令沈造同沈長卿陳祖安常觴詠於上取韓退之釋嶠孤雲縱易今名劉一止爲記刻石臺上

山堂在縱雲臺西舊名秀遠 四照亭盡見西面山

香風亭臨荷花池 香雪亭餘醺甚盛

丞廳在縣治東

主簿廳在丞廳西

尉廳在縣廳東

監稅廳在縣西

下塘巡檢在縣南十八里在紹興二十七年置管土軍

六十人隸臨安府并本州

省倉在天寶橋南 省庫常平庫在縣治內 酒庫在

縣西南 教場在尉司前歷陽張祁有記題其上云浩蕩秋光裏扁舟過德清樓臺

占山影鴉鳴亂灘聲小飲經年別清歌一邑驚娟娟照人月還憶謝宣城

安吉縣

知縣廳事紹興十六年呂靖重建 敕書樓在安吉縣
中門 手詔亭在安吉縣前 燕堂在廳事後 覓雲
亭四畔種花 清淑亭前種海棠 靜涼亭前瞰大池
三角亭舊在縣治邑人俞退翁有春無四面花夜欠一
檐雨之句

丞廳在安吉縣門南

主簿廳在安吉縣門西舊經云在縣門南

尉廳在簿廳西舊經云在縣門外

稅官廳在酒務西

省倉常平倉並在縣治東 省庫常平庫在縣治內

酒稅務在城隍廟北
醋庫在城隍廟南
教場在尉
司後

吳興志卷八

吳興志卷九

宋談鎰撰

郵驛

州治

周有路室候館漢有驛置國章通道皆有驛舍郡縣主之凡使命往來及官吏以公事行者率給驛券又古者委積之意吳興自昔號僻冷郡白樂天詩曰雲谿殊冷僻賓客非特有事於其地者不至焉見東坡墨妙亭記名故舊圖經統記諸書所載郡境館驛已俱不存膳泊亭宇廢改略盡每監司巡按或重客經從迎勞燕饌東於迎春亭南於濯纓亭西則寓於祥符寺至授館惟白蘋疊翠三匯雙谿四亭

廢驛三 迎恩驛舊圖經云在子城西南今廢驛程給
券尙以其名其地今爲贍軍酒庫 西驛舊圖經云在
子城西北今廢 集軒驛統記云在集芳亭亭在白蘋
洲爲五亭之一今廢統記又有平里驛今不在本州界

烏程縣

舊圖經載驛四所昇山館在縣東二十四里東遷館在
縣東四十里震澤館在縣東九十一里平望驛在縣東
一百三十里竝云今廢則其廢久矣又平望今不在縣
界今管郵遞如後 九里鋪 橫山鋪 石頭鋪 裏
山鋪 下黃鋪

南唐路也

昇山鋪 東遷鋪 橫館鋪

潯谿鋪

東門路也

歸安縣

長興縣

籍谿亭在尉南廳後改名按節南浦亭在沖真觀東

以上在縣治皆畫谿亭在卷畫谿今廢五勸亭在回

谿橋西南皇祐中縣令許尊建今廢木瓜堂在金沙泉

上枕流亭白躬亭忘歸亭金砂亭以上見統記云亭堂

並披雲亭仰高亭鏡會亭以上三亭見舊編云

披雲亭在官山上鏡會亭在啄木嶺唐刺史于廣德

顧建取白居易寄賈常州崔湖州詩題其上鋪周瀆鋪白羊鋪鈕店鋪四安鋪

武康縣

遠光亭在縣東北一里後谿之上賓至館焉宣和三年

知縣朱容建邑人劉士英記有石刻慶元六年知縣丁

大聲改築前軒俯流後寢臨郊頗爲整潔舊編云亭名取詩言遠而

有光華秀敘亭在縣學之東舊名仁智毛滂改今名

餘英志載崇寧初陳公權來游留題絕句餘英館在縣西南

題及紹興初張公祁留題絕句餘英館在縣西南

餘英谿上毛滂詩云故國園林改遺亭壁卽沈約宗族

所居之地館南有雙鴛沼舊編云舊尼寺基地張子野

北小橋通今廢基尙存和豐亭在舊教場門前今廢

卽此處餘英志云地當閭閻跨街結棟蓋邑民交易之地右亭館四面廢者二餘英志

云縣設遠光亭以待西北之客西秀敘亭則以待東南

來者南谿漲塞舟楫不利故亭亦隨廢云 鋪二 縣

下鋪 砂村鋪

德清縣

成顧亭在天寶橋南前對吳羌山卽孔愉放龜之所也
今餘不谿亦號龜谿 西亭在德清縣西前臨通衢後
枕北流唐有詩云送客莫辭秋晚龜谿好處西關 郵
鋪四 香亭鋪 導望鋪 楊灣鋪 宮巷鋪

安吉縣

昇慈館在縣南舊名下昇館 安吉馬驛在南門外
獨松馬驛在獨松嶺下 迎恩門官亭在縣北 蒙泉
在西山其上有亭水味甘冷俞退翁有井貴德不改蒙
以養爲功之句 得助亭在丞廳之右詹事沈樞有沽
酒頻留客圍棋不計功之句 郵鋪五 卅家鋪 郎

家鋪 鈕家鋪 獨松鋪 西門鋪

吳興志卷九

吳興志卷十

宋談鑰撰

管鎮

州治

統記云管鎮二十四八所已廢名不復存見存而可紀者施渚大錢東林烏墩東遷市山巡莫安吉長興德清武康新市四安梅谿水口合谿凡十有六統記作於景德初元年

序云太歲甲辰當景德元年

是當時所管之數已損其三

之一矣本朝熙豐間王存修九域志所載止存其六烏程有烏墩歸安有施渚安吉有梅谿長興有四安水口德清有新市餘悉罷廢後復廢水口置和平今爲鎮六

烏墩

施渚

梅谿

四安

新市

和平

屬長興

竊攷

鎮戍置將起於後魏唐高祖常爲金門鎮將是也後齊以來列爲四品制刺每五百人爲上鎮三百人爲中不及三百人爲下置將副掌捍禦又置倉曹兵曹掌倉庫戎器之類自藩鎮勢彊鎮參軍將之權漸重憲宗時李錡反至今管下五郡鎮將殺五郡太守辛祕等先能殺鎮將然後能發兵而蘇州刺史反爲鎮將所執卽此可見自是之後以至五代爲弊益甚兵權分裂聚斂無藝故兵主於鎮將而財賦器甲則主於參軍鎮將又率用親隨煩苛剝無所不至民不聊生縣官雖掌民事束手委聽而已人至以長官爲戲置鎮繁多而每縣又有

鎮者以此

如安吉縣有安吉鎮德清縣有德清鎮他郡亦然如吳江縣有吳江鎮之類

本朝

平定諸國收藩鎮權縣之有兵者知縣帶都監或監押

并朝官帶都監今京以下帶監押

財賦則參丞貳諸鎮省罷略盡所以

存者特曰監鎮主煙火兼征商至於離縣稍遠者則有巡檢寨爲萬世良法

烏程縣

唐至吳越縣之鎮戍多矣本朝景德中止管鎮二曰烏

墩曰大錢戍一曰平望

見舊圖經

後平望撥入平江界熙寧

中止存烏墩一鎮

見九域志

今鎮寨各一

烏墩鎮在縣東

南九十里大錢巡檢寨在縣北十八里

歸安縣

長興縣

圖經載鎮四所四安在縣西南九十里和平在縣南五十四里水口在縣北三十里合谿在縣西北二十五里統記所載四安水口合谿之外又有長興鎮而九域志止有四安水口舊編止有四安和平各二鎮而已竊攷長興之廢久矣圖經又云合谿今廢熙豐以後水口又廢近者和平又廢止存四安一鎮今鎮寨一四安鎮在縣西南九十里四安管界巡檢寨在縣南三十三里

呂山巡檢寨在呂山

武康縣

德清縣

安吉縣

據舊圖經云有鎮二安吉鎮在縣北梅谿鎮在縣東北
續據九域志云有梅谿一鎮則安吉鎮之廢久矣今
有鎮寨各一梅谿在縣東北三十里 幽嶺巡檢寨在
縣南六十里

